

UNIVERZITET U TUZLI
Ul. Dr. Tihomila Markovića br. 1
Broj: 01-72-JN-14/24 LOT 3
Tuzla, 09.07.2024. godine

Na osnovu člana 70. stav (1), člana 69. stav (1) tačka b) a u vezi sa članom 69. stav (3) Zakona o javnim nabavkama BiH («Službeni glasnik BiH» broj: 39/14 i 59/22) i člana 64. stav (1) tačka r) Statuta JU Univerziteta u Tuzli, po punomoći Rektorice Univerziteta u Tuzli broj: 01-1424-1/24 od 13.03.2024. godine Direktora za ekonomske poslove d o n o s i

O D L U K U

o poništenju postupka javne nabavke

I

Poništava se Konkurentski zahtjev za dostavu ponuda za nabavku licenciranog softvera za potrebe Tehnološkog fakulteta (realizacija projekta FMON) – LOT 3 Univerziteta u Tuzli iz razloga što se otkazuje zbog dokazanih razloga koji su izvan kontrole ugovornog organa i nisu se mogli predvidjeti u vrijeme pokretanja postupka javne nabavke.

II

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluke ponuđaču koji je učestvovao u postupku javne nabavke.

III

Ova Odluka stupa na snagu danom donošenja, a za njeno sprovođenje se zadužuje Odjeljenje javnih nabavki i investicija Univerziteta u Tuzli.

IV

Stupanjem na snagu ove Odluke prestaje da važi Odluka o izboru najpovoljnijeg ponuđača broj: 01-72-JN-8/24 LOT 3 od 06.06.2024. godine.

Obrazloženje

Univerzitet u Tuzli je putem Konkurentskog zahtjeva za dostavu ponuda pokrenuo postupak javne nabavke licenciranog softvera za potrebe Tehnološkog fakulteta (realizacija projekta FMON) – LOT 3 broj: 01-72-JN-2/24 od 10.06.2024. godine, za koji je objavio Obavještenje na Portalu javnih nabavki e-nabavke broj: 795-7-1-41-3-59/24 od 29.04.2024. godine godine i WEB stranici Univerziteta, te sažetak obavještenja u „Službenom glasniku BiH“ broj: 30/24 od 07.05.2024 godine.

U ostavljenom roku ponudu je dostavio jedan ponuđač: „STEP“ d.o.o. Tuzla.

Ponuđač „STEP“ d.o.o. je izabran kao najpovoljniji ponuđač Odlukom o izboru najpovoljnijeg pouđača broj: 01-72-JN-8/24 LOT 3 od 06.06.2024. godine na osnovu izvršenog pregleda i ocjene ponude te sačinjenog Zapisnika o pregledu i ocjeni ponuda: 01-72-JN-7/24 LOT 3 od 30.05.2024. godine od strane Komisije za predmetnu nabavku.

Nakon izvršenog odabira najpovoljnijeg ponuđača dana 14.06.2024. godine imenovanom ponuđaču dostavljen je na potpis prijedlog ugovora. Dana 26.06.2024. godine ponuđač je dostavio ugovornom organu Obavijest o prolongiranju potpisivanja ugovora zbog proceduralnih problema, kojim putem je obavijestio Univerzitet u Tuzli da je primoran prolongirati potpisivanje ugovora i da će u što kraćem vremenskom roku otkloniti proceduralni problem nemogućnosti nabavke softvera aspenOne for Academics. Nakon toga, dana 04.07.2024 godine ponuđač je dostavio Obavijest o nemogućnosti zaključenja ugovora usljed enormnog poskupljenja, kojim putem ukazuje da je nastupilo enormno poskupljenje licence aspen One for Academics u posljednja 2 mjeseca, te je priložio dokaze kao odgovor na upit za ponudu od strane aspentech-a (glavnog dobavljača). Navedenom prilikom ponuđač je vratio ugovornom organu nepotpisane sve primjerke prijedloga ugovora.

Shodno svemu navedenom te činjenično utvrđenom da je izabrani ponuđač odbio zaključiti ugovor pod uslovima navedenim u ponudi koju je dostavio, a uzevši u obzir da je jedini ponuđač u predmetnom postupku javne nabavke za LOT 3, to se postupak nabavke poništava iz razloga jer se otkazuje zbog dokazanih drugih razloga koji su izvan kontrole ugovornog organa i koji se nisu mogli

predvidjeti u vrijeme pokretanja postupka javne nabavke u skladu sa članom 69. stav (3) Zakona o javnim nabavkama.


Cijeneći izneseno Direktor za ekonomske poslove je odlučio kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 5 (pet) dana od dana njenog prijema, na adresu dr. Tihomila Markovića br.1, 75 000 Tuzla.

DOSTAVITI:

1x učesniku

1x a/a



DIREKTOR ZA
EKONOMSKE POSLOVE

Alden Osmanbegović, dipl. oec.